



## **De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manuscriptis Codicibus, Qvarvm permultæ antehàc nunquàm  
in lucem prodière

Complectens Sanctos Mensivm Novembris Et Decembris

**Surius, Laurentius**

**Coloniae Agrippinae, 1576-**

**VD16 S 10263**

Oratio D. Ephræm diaconi Ecclesie Edissenæ, de sanctissimæ Dei matris  
Laudibus.

---

[urn:nbn:de:hbz:466:1-77423](https://nbn-resolving.org/urn:nbn:de:hbz:466:1-77423)

# NOVEMBER

## ORATIO D. EPHRAEM

### DIACONI ECCLESIAE EDIS-

#### SENÆ, DE SANCTISSIMÆ DEI MATRIS LAVDIBVS:

*Quam nos idcirco primo loco mensis huius posuimus cum ijs, quæ eodem authore  
mox sequuntur, quod in honorem matris DEI & omnium sancto-  
rum Martyrum, hodierna solemnitas ante mille fe-  
rè annos celebrata est.*



**L**NTEMERATA prorsusque pura, Virgo Deipara, Re-  
gina omnium, spes desperantium, Domina mea glorio-  
sissima, eadēque optima, sublimior cælicolis, purior So-  
lis radijs & splendoribus, honoratior Cherubin, & poly-  
ommatīs (id est, multoculis) spiritibus, sanctior Seraphin,  
& nulla comparatione cæteris omnibus superis exerci-  
tibus gloriosior, spes Patrum, gloria Prophetarū, Apo-  
stolorum præconium, & honor Martyrum, Sanctorum  
lætitia, & lumen studiosorum Abraham, Isaac & Iacob,  
decus Aaron, Moſis splendor, & Gedeon vellus, Hierar-  
charum cœtus, & omnium sanctorum ac virginum co-  
rona, ob fulgorem inaccessa. Acerra aurea, lucerna micantissima, vrna cali manna  
gestans, tabula scripta legem ferens mortalibus, arca vera, charta diuinissima, omni-  
um princeps, circumspecta & lucifera Virgo, consolatio sanctissima, & omnium dux,  
sacratissima puella.

O rube incombuste, & patens prædium, & viridans Aaron illius virga. Virga pro-  
fecto extitisti, & flos filius tuus. Eradice David & Salomonis germinauit Christus no-  
ster creator, Deus & Dominus omnipotens, altissimus & solus. Tu, quo ad corpus,  
Deum & Verbum genuisti: virgo ante partum, virgo in partu, virgo post partū. Cla-  
ues non excussit Deus creator tuus in tuo virginali vtero, absque semine carnem ig-  
nitus, te, o celeberrima, talem præseruans, qualis extiteras ante partum. Per te re-  
conciliati sumus Christo Deo meo, filio tuo. Tu peccantium & auxilio destituto-  
rum adiutrix. Tu portus procella vexatorum, solatium mundi, carcere clausorum li-  
beratrix celeberrima. Tu orphanorum susceptio, tu captiuorum redemptio, tu ægro-  
tantium exultatio, & omnium salus. Tu solitariorum stabilimentum, & spes mun-  
danorum. Tu virginum decus, corona & gaudium. Tu mundi læticia, o domina prin-  
ceps, Regina præstantissima, & perquam benedicta, puella veneranda, dominorum  
domina purissima. Sub alis tuis custodi me, & protege. Miserere mei, qui sum luto  
inquinatus, qui sceleribus quamplurimis creatorem Deum meum & iudicem offen-  
di, nè aduersus me gloriatur satanas exitiosissimus, nè in me exurgat execrandus ini-  
micus meus, nè seruum tuum à tui spe destitui cognoscam, nè calumnietur me detre-  
ctantium lingua. Non mihi alia fiducia, o Virgo sincera. Ex vlnis equidem maternis  
tibi, domina mea, deditus sum miserabilis, & cliens tuus vocatus sum: nè maleuolus  
satanas me ad infernas portas abducat. Tu enim meus portus, o Virgo inuiolata, &  
præfens auxiliatrix. Denique sub tutela & protectione tua rotus sum. Crebris lachry-  
mis te, o celeberrima mater, imploro, & aduoluo tibi, domina mea, suppliciter cla-  
mans, nè dulcis filius tuus, & vitæ omnium dator, ob multa, quæ patraui, scelera tol-  
lat me de medio, & miseram animam, ceu leo, diripiat, vel velut sterilem ficum infel-  
licem me excidat. Sed obsecro, vt Christum meum ad eam, & subeam aulas illas be-  
atorum, vbi non sunt lachrymæ, non vexatio, non molestia, non mors, non tormen-  
ta, non locorum angustia: sed læticia inexhausta, voluptas iustorum, delicia & exul-  
tatio,

A

tatio,

i. Nonēbris.  
Vide quid  
tribuerint  
sanctis. Pa-  
tres B. Ma-  
riæ Virginæ.

Iesus Chri-  
stus ex san-  
guinib' Ma-  
riæ Virginæ  
genitus.

S. Maria  
omnium fa-  
lus, post &  
per Deū fet-  
licet.

Inuocat  
sanctā Dei  
genitricem.

Angelice  
lucationis  
melos.

Nata hæc  
Epitheta  
matris Dei.

Hæc Epitheta  
Mariæ  
Virgini se-  
culari at-  
tribuitur  
propter fi-  
lium quem  
genuit.

Vide quo-  
modo san-  
cti interce-  
dit pro no-  
bis.

Precatio  
in signis ad  
matrem Vir-  
ginem.

ratio, gloria & splendor. Imple os meum gratia dulcedinis tuæ. Illumina mentem, o gratia plena. Moue linguam meam & labia ad laudes tibi alacri & lato animo canendas, & præcipue melos illud Angelicum celebratissimum, quod Gabriel in Nazareth seruili habitu ad te Virginem & matrem Dei mei integerrimam clamans cecinit, salutationem maxime congruam, & dignissimam, mundi salutem, cunctarumque animarum tutelam.

Dignare, Virgo, te tuum seruum laudare, & dicere: Aue Dei splendidissimum & luculentissimum vas: aue Domina Maria gratia plena: aue in mulieribus Virgo beatissima: aue stella fulgentissima, ex qua Christus prodijt: aue illustrissima lux, mater & Virgo: aue, quæ mirifice Regem omnium peperisti: aue, per quam nobis Sol præclarissimus illuxit: aue Domina cunctis sublimior: aue canticum Cherubin, & hymnus Angelorum: aue pax, gaudium & salus mundi: aue generis humani latitiam: aue patrum præconium, & prophetarum decus: aue martyrum pulchritudo, & corona sanctorum: aue piorum gloria, & in solitudine degentium hymnus: aue præclarissimum hierarcharum caelestium ornamentum: aue hymnigraphorum omnium oratio: aue præstantissimum orbis terræ miraculum: aue terrigenarum omnium delectatio: aue paradisi deliciarum & immortalitatis: aue lignum vitæ, gaudium & voluptas: aue vallum fidelium, & mundi salus: aue tranquille portus, & à fluctibus agitatorum liberatrix: aue nostra periclitantium auxiliatrix: aue progenitoris illius Adam resurrectio: aue iucunda libertas: aue omnium parens: aue flos gratiæ & consolationis: aue refugium peccatorum & hospitium: aue propitiatorum laborantium: aue refugium in Hierosolymis: aue thronei mei creatoris gloriosissime: aue æui splendor illustrissime & micantissime: aue spes omnium proborum, aduersis casibus afflictorum: aue cõuersorum refugium: aue virorum iuxta mulierumque Regina & tutela: aue mundi mediatrix gloriosissima: aue vniuersi terrarum orbis conciliatrix: aue Domina, sceptrum fidelibus tuis impetrans: aue gloria & latitia omnium sacerdotum: aue Virgo solatium solitariorum: aue porta calorum, ascensus omnium: aue referamentum portarum paradisi: aue, quæ mœores sedasti, ad ornatrix omnium: aue eadem, quæ lenisti oppressorum molestiam: aue clavis calorū, & regni Christi: aue portus optime huius vitæ nautarum: aue animæ meæ spes bona & fida: aue Christi-anorum omnium firma salus: aue lumen præfulgens, quo mundus illustratur: aue mater Christi filij Dei viui: aue nostra genitorum protectio luculenta & gloria: aue, quæ nullo spatio comprehensum in sinu comprehendisti: aue, quæ Christum vitæ datorem educasti, Christum piensissimum omnium creatorem, Deum, dulcem Iesum meum, altorem mundi, hominum amantissimum, omnipotentem patrem meum, cui competit gloria, honor & potestas in secula, laus & magnificentia, cum a ter-  
no Patre & Spiritu sancto nunc & semper, & in secula seculorum.

Precibus Dei genitricis semper Virginis, & exercitus caelestium, ac cœtus Angelorum, Cherubin, Seraphin, Prophetarum, Martyrum, Hierarcharum, sanctorum studiorum intercessionibus, & omnium beatorum supplicationibus, miserere tuæ creaturæ, Deus mi clementissime. A dextris in hora iudicij colloca humiles seruos tuos. Nè, o Domine vitæ author, ad opera, quæ nos mortales legem præuaricati commissimus, adspexeris: quin potius adspice ad mitissimam humanitatem & misericordiam tuam. Amen.

EIVSDEM DIVI EPHRÆM ORATIO AD SANCTISSIMAM DEI GENITRICEM.



Inmaculata, impolluta, incorrupta, pudica Virgo, Dei sponsa, Domina nostra, quæ Deum Verbum hominibus mirifica tua conceptione conciliasti, & rebellem humani generis naturam caelestibus conscisti, vnica spes desperatorum, oppressorum subsidium, & ad te currentium auxilium presentissimum, omnium denique Christianorum profugium, me scelestum peccatorem, & foedis meis cogitationibus, verbis, factis factum vilissimum, atque adeo voluptatum montem animo seruili & abiecto amplexatum, nè auerferis, quæso: quin potius sicut humanissimi Dei mater es, ita me peccatorem humaniter suscipe, & meam fordidissimam, indignisque labijs expressam orationem admitte, necnon tuum quidem filium, meum autem herum & Deum, materna autem liberalitate volens  
exora,